



Quartin

Picolo, tondo, né bruto né belo,
 na faccia rossa
 soto al capelo,
 le braghe larghe, tute pessà
 camisa a quadri
 e scarpe sfondà.

Tuti in paese lo conosséa,
 ma el so vero nome
 puchi 'o savéa,
 i ghe ciamava tuti Quartin
 pal vissio che 'l ghea
 de insacarse de vin.

Par l'acoa 'l ghea un odio mortale,
 el jera convinto
 che la fa solo male,
 chi garìa dito che a n'amante del vin
 la sorte segnasse
 sì tristo destìn?

Na sera d'inverno, scura e piovosa,
 andando de onda

l'è finìo te la rosa, (ROGGIA)
e al giorno dopo i lo ga ripescà,
e'l ghi néa bevù tanta
da morire negà.

L'acoa che l'omo no podéa soffrire
la se ga vendicà
e la lo ga fato morire;
e la zente disea al so funerale
xé proprio vero,
che l'acoa fa male!

Leda Ceresara Rossi

dal libro "[Fruti salbeghi](#)" di [Leda Ceresara Rossi](#)

[Poesie vernacolari - da PensieriParole.it](#)

[<https://www.pensieriparole.it/poesie/poesie-vernacolari/>](https://www.pensieriparole.it/poesie/poesie-vernacolari/)

Ve meto 'staltra bea poesia de "nona" Leda Ceresara Rossi, questa fa anca soridere, oltre che comover nel fondo, par la capacità che fa ga de colegarne a le realtà del mondoveneto de ieri. Eco 'naltra prova de cuanto sia da conservar fa nostra vera lengua, che ga la stessa dignità leteraria de l'italian che i ne insegna a scola. E ricordeve de firmar in Comune, a l'ufficio Anagrafe, fa proposta de lege par el riconoscimento de la lengua veneta. Me racomando!

Se l'articolo ti è piaciuto condividilo su:

- [Facebook](#)
- [Twitter](#)
- [Pinterest](#)
- [LinkedIn](#)
- [E-mail](#)
- [Stampa](#)
- [WhatsApp](#)
- [Telegram](#)